

## आकाशवाणी

पैहले खास-खास खबरां:-

1. तमिलनाडू च अज्ज चुना प्रचार दा खीरी दिन। संजा 6 बजे मगरा कुसै बी चाली दा चुना प्रचार नैई होग।
2. दक्खन कोरिया दे राष्ट्रपति ली जे म्युंग हों आखेआ जे भारत प्रधानमंत्री नरेन्द्र मोदी हुंदे विकसित भारत 2047 दे नजरिए दे तैहत स्वर्णिम युग आहली भेठा बदा रदा ऐ।
3. विदेश मंत्रालय नै आखेआ ऐ जे भारत ते दक्खन कोरिया नै विशेष रणनीतिक सांझेदारी च होई दी प्रगति दा जायजा लैता।
4. भारत ते अमरीका बश्कार वाशिंगटन च बपार गल्लबात परतिए शुरु। एदा मकसद दौनें मुल्खें बश्कार मते चिरे थवां बलगें जा'रदे बपार समझौते गी खीरी रुप देना ऐ।
5. राष्ट्रीय परीक्षा एजेंसी एन.आई.ए नै JEE Main सत्र 2 दे नतीजे जारी कीते।
6. ते आई.पी.एल क्रिकेट च कल रातीं अहमदाबाद च खेड्डे गेदे इक मुकाबले च मुम्बई इंडिन्स नै गुजरात टाइटन्स गी 99 रन्ज कन्ने हराया।

<><><><><><>

T.N. Campaigning

तमिलनाडू च अज्ज चुनां प्रचार दा खीरी दिन ऐ। चुनां आयोग मूजब संजा 6 बजे मगरा कुसै बी चाली दा चुनां प्रचार नैई होग। भाजपा नेता नै आखेआ ऐ जे डी.एम.के नै राज्य च सब्बनें थमां खराब शासन दिता ऐ ते डी.एम.के. शासन च वशवादी शासन

ग्राम पंचैत स्तह तगर फैली गोआ हा। उनै कन्न -बवस्था दी बिगड़दी स्थिति ते महिलाएं खिलाफ अपराधें च बाद्दे आस्तै डी.एम.के सरकार गी जिम्मेवार ठहराया। तोंआई कांग्रेस नै ओदे राज्य कांग्रेस अध्यक्ष गी उन्दी राजनैतिक जिम्मेदारी दा पालन करने थमां रोकने आस्तै आयकर विभाग गी जिम्मेदार ठहराया ऐ।

<><><><><><>

WB- BJP Campaign

भारतीय जनता पार्टी दे नेता ते केन्द्रीय गृह मंत्री अमित शाह अज्ज पच्छिम बंगाल दे सिलीगुड़ी- पच्छिम बर्धमान- पच्छिम मेदिनीपुर ते पूर्वी मेदिनीपुर जिलें च पार्टी मेदवारें दे समर्थन च जन संभाए गी सम्बोधित करडन। तृणमूल प्रमुख ममता बैनर्जी पूर्वी मेदिनीपुर दे हल्दिया- उत्तर 24 परगना जिले दे बैरकपुर ते जगतदल ते कोलकाता दे जोरासांको च पार्टी मेदवारें दे समर्थन च जनसभाएं गी सम्बोधित करडन।

<><><><><><>

CEC -Election

पच्छिम बंगाल च चुनाएं गी लेइए मुख चुनां आयुक्त ज्ञानेश कुमार होरें भरोसा जताया ऐ जे निर्वाचन आयोग आज़ाद निरपक्ख ते पारदर्शी चुनां करोआने आस्तै हर संभव जत्न करोग। मुख निर्वाचन आयुक्त होरे आखेआ जे चुनां प्रक्रिया पूरी चाल्ली कन्नै भयमुक्त- हिंसा मुक्त ते दबाव मुक्त होग। कन्नै गै एह बी आखेआ ऐ जे राज्य सरकार मुकामी निकाएं ते खुदमुख्तेयार संस्थाएं दे कुसै बी कर्मचारी गी चुनावी प्रक्रिया गी प्रभावित करन नैई दिता जाग। राज्य च पैहले गेड़ दा मतदान 23 अप्रैल गी होग। दुए गेड़ दा मतदान 29 अप्रैल गी होग ते वोटें दी गिनतरी 4 मई गी कीती जाहग।



होई विदेश मंत्रालय च पूर्वी क्षेत्र दे सचिव पी. कुमारन होरें आखेआ जे दौने नेताएं भारत-कोरिया विशेष रणनीतिक सांझेदारी च होई दी प्रगति दी समीक्षा कीती। उने आखेआ जे दौने नेताएं बपार- माली सेवा- जहाज निर्माण- रक्षा ते सुरक्षा ते दौने मुखें बशकार सम्पर्क ते सांस्कृतिक आदान-प्रदान च सहयोग बदाने दी संभावनाएं पर चर्चा कीती।

<><><><><><>

Prez Odisha Visit

राष्ट्रपति द्रौपदी मूरमू होर अज्ज ओडिशा दा दौरा करडन। इक दिन दे दौरे दौरान राष्ट्रपति राउरकेला च इक सार्वजनिक समारोह च तारामंडल ते विज्ञान केन्द्र ते निर्मल मुंडा परिवेश पथ दा उदघाटन करडन। राष्ट्रपति मूरमू राउकेला च इक जनजातीय संग्रहालय ते एकीकृत कमान ते नियंत्रण केन्द्र दा बी उदघाटन करडन।

<><><><><><>

UP- Civil Services Day

उपराष्ट्रपति सी.पी. राधाकृष्णन होर अज्ज नमीं दिल्ली च “18में सिविल सेवा दिवस” पर सिविल सेवकें गी सम्बोधित करडन। एह कार्यक्रम कार्मिक- लोक शकैत ते पेंशन मंत्रालय दे तैहत प्रशासनिक सुधार ते लोक-शकैत विभाग आस्सेआ आयोजित कीता जा’रदा ऐ। इस बरे दे कार्यक्रम दा विशे ऐ “विकसित भारत: खीरलै छोर तगर नागिरक केन्द्रित शासन ते विकास”। इस मौके पर कार्मिक लोक-शिकायत ते पेंशन राज्यमंत्री डाक्टर जितेन्द्र सिंह- लौहके- भलेआ लौहके ते दरम्यानें दर्जे दे उद्योगें सरबंधी मंत्री

जीतन राम मांझी- सेहत ते परोआर कल्याण मंत्री जगत प्रकाश नड्डा ते राई-बाई ते करसाण कल्याण मंत्री शिवराज सिंह चौहान होर बी सभा गी सम्बोधित करगंन।

<><><><><><>

India -US Trade Talks

भारत ते अमरीका बश्कार वाशिंगटन च बपार वार्ता दा नमां दौर शुरु होआ ऐ। एदा मकसद दौनें मुख्यें बश्कार मते चिरे थमां बलगे जा'रदे बपार समझौते गी खीरी रुप देना ऐ। भारतीय अधिकारिणं दा इक दल 20 थमां 22 अप्रैल तगर तय त्रै रोजा गल्लबात आस्तै अमरीका पुज्जे दा ऐ। एदी अगुआई उद्योग विभाग दे अतिरिक्त सचिव ते भारत दे मुख्ख वार्ताकार दर्पन जैन होर करारदे न।

<><><><><><>

DM -Germany Visit

रक्षामंत्री राजनाथ सिंह अज्जै सोआं जर्मनी दी व्रंऊ दिनें दी जातरा पर जा करदे न। इस जातरा दा मकसद भारत ते जर्मनी बश्कार रणनीतिक रक्षा सांझेदारी गी होर मजबूत करना ऐ। रक्षा मंत्रालय दा आखना ऐ जे इस दौरान दौनें मुख्यें बश्कार चला रदी रक्षा सहयोग परियोजनाएं दी समीक्षा कीती जाग ते सहयोग लेई नमें क्षेत्रें दी पंछान कीती जाहग। यात्रा दौरान राजनाथ सिंह होर जर्मनी दे रक्षामंत्री हुंदे कन्ने दपकखी गल्लबात करडन- जेहदे च रक्षा उद्योग सरबंधी सहयोग गी बधाने- सैन्य सरबंधें गी मजबूत करने ते साईबर सुरक्षा- आर्टिफिशल इंटेलिजेंस ते ड्रोन जनेह उभरदे क्षेत्रें च सहयोग पर चेचा ध्यान दिता जाहग। दौनें मुख्यें बश्कार औद्योगिक सहयोग- रणनीतिक ते संयुक्त राष्ट्र शांति अभियानें दे प्रशिक्षण कन्ने जुड़े दे इक महत्वपूर्ण

समझौता होने दी बी मेद ऐ। रक्षा मंत्री होर जर्मनी दे रक्षा उद्योग दे प्रमुख प्रतिनिधियें कन्नै बी मलाटी करडन तांजे “मेक इन इंडिया” पैहल दे तैहत सांझे विकास ते सह-उत्पादन गी बढ़ावा दिता जाई सकै।

<><><><><><>

Jitender Singh

विज्ञान ते प्रोद्योगिकी मंत्री डाक्ट जितेन्द्र सिंह हरें आखेआ ऐ जे भारत इंडिया क्लिंग एक्शन प्लान दी अमलावरी दे राएं सत्त शीतलन ते जलवायु अनुकूलन प्रति अपनी बचनवद्धता गी मजबूत करा'रदा ऐ। नमीं दिल्ली च आयोजित ग्लोबल हीट एंड क्लिंग फोरम गी सम्बोधित करदे होई डाक्टर जितेन्द्र सिंह हरें दस्सेया जे क्लिंग एक्शन प्लान गी मुख्य भरे दे 250 थमां मते शैहरें च पैहले गे लागू कीता जाई चुके दा ऐ। डाक्टर सिंह हरें आखेआ जे वैश्विक तापमान च बाद्दा दुनिया भरे च सेहत-पर्यावरण ते पूरी चाली अर्थ-बवस्था लेई खतरा ऐ। उ'नें आखेआ जे बद्दा तापमान नां छड़ा पर्यावरण स्हाबै चिंता आहली गल्ल ऐ सगुआ लाग आहली ते बिजन लाग आहली दौने चाली दी बमारिएं गी बदाने आहला जोखिम होई सकदा ऐ। डाक्टर सिंह हरें आखेआ जे ठोस हल दी शुरुआत फौरी ते व्यवहारिक गेंs कन्नै होनी लोडचदी।

<><><><><><>

JEE Main Results

राष्ट्रीय परीक्षा एजेंसी NTA नै JEE Main सत्र 2 दे नतीजे जारी करी दिते न। इस परीक्षा गी कुल 2 लक्ख 50 जहार 182 मेदवारें JEE Advance लेई पास कीता ऐ।

<><><><><><>

IPL

आई.पी. एल. क्रिकेट च मुम्बई इंडियन्स नै कल रातीं गुजरात टाइटन्स गी 99 रन्ज कन्नै हराई दिता। अहमदाबाद दे नरेन्द्र मोदी स्टेडियम च पैहले बल्लेबाजी करदे होई मुम्बई इंडियन्स नै तय 20 ओवरें च 5 विकेटें दे नुकसान पर 199 रन्ज बनाए। मुम्बई दी तरफा तिलक वर्मा नै 45 गेंदे च 100 रन्ज दी शानदार शतकीय पारी खेड्डी। परते च गुजरात टाइटन्स दी टीम 15 ओवर ते 5 गेंदें च 100 रन्ज पर सिमटी गई। तिलक वर्मा गी प्लेयर ऑफ द मैच चुनेआ गेआ। अज्ज हैदराबाद दे राजीव गांधी अंतराष्ट्रीय स्टेडियम च संजा साडे 7 बजे सनराजर्स हैदराबाद दा मुकाबला दिल्ली कैपिटल्स कन्नै होग।

<><><><><><>

Wushu C'Ship

रुस च आयोजित मॉस्को वुशु स्टॉर चैम्पियनशिप-2026 च सुन्ने दा तगमा जितने आली अंसा हसन चिश्ती दी शानदार जित दे बाद जम्मू-कश्मीर दे इक होर खडारी-भानु प्रताप सिंह नै इस्सै स्पर्धा च बिजन कोई मुकाबले हारे दे सुन्ने दा तगमा जित्तियै भारत गी मान हासल कराया ऐ। भानु प्रताप सिंह नै चीन- कजाकिस्तान ते रुस दे नुमायंदगी करने आले खडारियें गी 2-0 कन्नै हराया। भानु प्रताप सिंह हुंदी इस उपलब्धि पर जम्मू-कश्मीर खेड्ठ काउंसल नै इस युवा चैम्पियन गी प्रतियोगिता च शानदार प्रदर्शन लेई मुबारकबाद दिती ऐ।

<><><><><><>

JK-Weather

कश्मीर घाटी ते जम्मू संभाग दिएं मती सारी थाहरें पर कल तापमान सामान्य कोला मता दर्ज कीता गेआ। मौसम विभाग नै 23 अप्रैल तोड़ी मौसम दे खुशक रौहने दी पेशनगोई कीती दी ऐ। मौसम विभाग मताबक श्रीनगर च बद्दोबद्द तापमान 23 इशारिया 5 डिग्री सैलसियस दर्ज कीता गेआ- जेहड़ा सामान्य कोला तकरीबन 2 इशारिया 7 डिग्री मता ऐ- जिस्सलै के घट्टो-घट्ट तापमान 9 इशारिया 4 डिग्री सैलसियम रिकार्ड कीता गेआ ऐ। तोंआई जम्मू शैहरें च बद्दोबद्द तापमान 34 इशारिया 7 डिग्री सैलसियम दर्ज कीता गया जेहड़ा सामान्य कोला इक इशारिया 6 डिग्री मता ऐ- जिसलै के कटड़ा च 33 डिग्री सैलसियम दर्ज कीता गया जेहड़ा औसत शा तकरीबन 4 इशारिया 8 डिग्री सैलसियस मता ऐ।

<><><><><><>